

懷遠縣志卷之十九

賜進士出身安徽鳳陽府懷遠縣知縣孫讓修

史冊英賢傳

楊嘉猷字原忠別號蓋齋中都之懷遠人也豐頤碩貌而虬於腮眉生異采幼警敏有至性五歲就塾伯兄擇張橫渠先生法語訓公公作擘窠書錄置座右畢世不諼年二十六舉於鄉已遊太學家宰畢公松坡以道器目之命題至大至剛使屬文翰動如飛元言晰理公益大奇之曰而固結聖賢之轍者耶歲歷丙申粵東楊先生復所講學中都公獲受良知之學

懷遠縣志卷之十九

傳
英賢

自是恍恍乎覺滿前皆飛躍矣歲戊戌謁選得冀州守剔奸宄肅馬政康功田功罔弗舉簿書之隙集博士弟子討所以致良知者而恒南自是發精一之學焉報績得上考尋當內召或沮之遂擢延安郡丞未幾攝篆定邊築長堰禦水患民不胥溺功與芍坡等前官某私庫緡二千餘公勒歸正餉而某亦斃法政治赫然改觀會靖邊司餉某亦以墨敗獄滯不決公一讞輒解塞上稱神君云公卽留視靖靖久做積案纍千未決月餘揮披立盡故事官庭觴嘯之資咸取給於倉宰宰割廩以奉之而廩日益耗宰俱坐侵漁

具五木死公蹙然曰腴人之腹而以人命爲戲吾不忍也所全活數十人而廩日裕間有邀賞者大吏咋舌下公議公疏其不可謹斥埃以伺之歲省金錢以萬計所條上邊事六按行輒效荆龍州城百雉靖故名范老闢立祠祀文正復以士習不勵則風俗頽建閣尊經置書籍百種于上召士子前曰而有性而使蔽有命而日損則母乃自罔其生耶夫亦思人各有心心有知知之不慮者曰良誠能擴充體驗由家國天下而反之身心性情又由身心性情而推之天下國家體用一源顯微合軌載籍非外糟粕皆真不鑿

懷遠縣志卷之十九

傳
英賢

二

其知之良而性命乃徹不然而或狃於支離或淪於空寂吾見其知之日遞也已靖之士風迥然一變者公實提衡之爾時余不佞亦講學里中公穆如清風拂余紳佩枉駕修弟子禮甚恭相與商性命之旨者累日瞿然憬然婆娑位育之堂而酣暢中和之府我兩人蓋相視莫逆焉未幾公晉貳長蘆饒政秩不副効衆方爲公惜公氣益冲粹謂朝廷爲要地擇人豈不足君命乎卽趣駕之任賈人子陋規每鹽入輒計以引以朱提爲壽約二萬餘緡公絕無染指舊有落地稅五萬金有奇已奉蠲旨而有司未及知橐中

物耳吏胥微露其意公怒答其人曰飲民之脂而寢上德意人卽墨奚至是立卻還歲貢白鹽之役往多繻縷公條上御史臺悉汰其弊偶行部見豎龍鳳幟過市者公驚問故則運太后鹽旣也公私念宮中食鹽有常額乃復需此耶執訊之果販夫持內府贖牒罔利者悉置之理比歸時帑積羨金九千代者舉以贈公公莞然曰某有私者豈俟今日耶公理鹽二載律已過嚴輸課獨最大司農方破格示風勵而鎮遠之命下矣公歎歷仕路多異績登薦牘者二十五立祠樹碣在在社而稷之而竟不得酬以異數在公固

淡然無營而造化亦欲留有餘以豐其後耳公旣倦遊歸里而所餘俸錢悉分以贍昆仲及昆仲之子若孫咸教之誦讀謀婚娶月聚族而會敦孝友斥回曲置圭田以供伏臘置蠡田以給軍裝坐臥十尺樓讀書不輟寒暑嘗進門下士及子姓而示以致良知之宗蓋知而曰良卽至善之本體也良知而曰致卽省察克治之實功也學者能以姚江之良知爲定主以紫陽之問學爲功夫於道可稱庶幾矣又嘗謂大人修身之要在明德新民而止至善所止之地皆物也而本末分盡止之功乃事也而終始分先後辨于其

間矣此古人貴握其序而修身居要也能修身而道始不離不離于靜而不覩不聞皆道矣不離于動而莫見莫顯皆道矣而方動時之機括可省者曰獨慎之而發亡踰節位育可臻彼君子之修己以安百姓非卽中和之極詣哉公論說根極理要而力爲體認非過屠門而大嚼者比余每稱江以北有理學三人秦州王心齋合肥蔡肖謙懷遠則有公公真夏紫陽之駕而齊以姚汪之筏者耶觀其大還時笑拂紅塵歸敝廬之句而所得可知矣主持風化者能不表而出之也哉

馮從吾少墟集

懷遠縣志卷之十九

傳英賢

四

何如寵楊公墓誌銘

明中順大夫貴州鎮遠府知府蓋齋楊公墓誌銘
予故習懷遠蓋齋楊公淮北聞人有先進風而公之子太學君尙渾亦納履交予也公卒而太學君走千里謁予誌公墓予佩服有素何敢辭公諱嘉猷字元忠別號蓋齋晚年自稱養拙子直隸鳳陽人其家懷遠自始祖選洪武三年由蒙城避亂遷也選生擡擡生朗朗生華華生環環生鈞鈞以博學明經歲薦訓永平尋教授岷府娶御史魏公貞曾孫女生濂字子靜別號東泉是爲公父東泉公

以公貴贈奉直大夫母陸氏贈宜人贈公卽幼失恃能自立慷慨多志畧教授公念食貧不欲合久困儒生中因日坐黃公壚持籌養志俾教授公終身無乏絕陸宜人操作佐之事繼姑以孝聞生五子蓋齋公其季也始宜人之孕公也思啖羊腊羊腊自比舍貓舉以來思啖桃桃隆冬致自異人及生而有黑龍入室之夢瑞徵見矣十閱月偶視木偶戲遂能舉手效之甫學語卽解書每夜從贈公請字贈公曰晦矣明當教汝強以腹受書晨起一舉畫無誤其夙慧蓋如此居恒靜坐不好弄五

懷遠縣志卷之十九

傳英賢

五

歲就塾伯兄擇張橫渠先生法語訓公公手錄置座右終身弗忘鄰長者薛東菴先生愛之加諸膝公問難無倦書未經誦習往往默識莫測其所自來也年十三工爲舉子業里中孫斗南先生故東粵名學憲見而大竒賞曰吾小友也宜定忘年交又曰峩冠丈夫當爲此童子執鞭矣皆其品題制義語云讀書無間寒暑漏三下始休漏盡復起贈公憂之戒勿瘁公覆燈几下侯贈公寢伊吾如故弱冠補諸生隙戶進飲食坐臥萬卷日滿書額塗一格及戶啓格無素者歲以爲常二十六舉於鄉

罷公車游太學與諸名士定盟結約爲太宰松坡
舉公所器重嘗因歷事試之以至大至剛命題太
宰亦自屬草意紆所獨得覽公文遜謝弗若曰此
詎可令子布見耶夫如公枕經藉書於一第何有
哉而顧若留不盡之意以還造化公亦似有以窺
其微者于是遂謁選授冀州守冀于真定稱煩劇
公首問民間疾苦討利病罷行之弗激弗撓時稅
璫橫甚廉得其魁黨重笞逐境內如洗復自捐公
費與羨帑抵稅毋遺累窮民也渠奸萬國寧擁衆
且百露亦禦人白晝莫敢問亂形成矣杖殺之餘

懷遠縣志卷之十九

傳
英賢

六

股粟解散而俵馬之爲冀害也積弊至一馬百餘
金民寧敲髓應無誰何者公躬自驗給減在十七
八或俵戶與黠吏上下其手罪罔赦卽片楮不假
胥役馬政肅然蓋公之於法賞信罰必如電如霆
無留行也而顧煦煦子惠人如慈媪旱蝗害歲人
相食公首請臨德二倉餘糧數十萬賑畿內大吏
具上報可公循環轉輸設場煮糜七十餘所日飽
萬衆口嘗而手劑之部署無譁每退食塵沙滿鬚
眉嘆曰身多疾病思田里邑有流亡愧俸錢我之
謂乎如是者三年一日所全活無算金矢集於庭

調曲直而已弗私一餒暇則課博士弟子講性命之指刊傳習錄以訓恒南理學之大明白公始也薦剡十四上上賜璽書褒勞至以漢朱博蕭育爲比尋當內召或尼之遷延安清軍同知公治延一如冀然公蒞延甫三日卽署定邊篆觀察劉公飛書促之謂邊事待公不啻挾焚拯溺公竭蹶從事百廢俱興其大者修隄防水患爲丈三百許錮以鐵石屹然長虹爲至今永利矣前官唐某私庫緡二千七百有奇公撻歸正餉帑自是無鼠角而唐亦不能自蔽其辜會靖邊謝某以昧敗畧如唐莫

懷遠縣志卷之十九

傳英賢

七

能省決觀察公曰非楊公不可屬公片言立判上下懾服誦神君焉因留公視靖邊篆而公一如在定邊時也署中滯案數千彌月盡理故事諸所需程饌取辨倉攢倉攢責之富室遞相索無已首裁革弗用而一切出納虛寔精心鉤核使書記之積滑毋得盈縮以魚肉官攢前此邊倉爲厲府官無善終者選人視如鬼蜮公至而懲往戒來爭樂趨恐後矣城堡祠閣庠廩兵械之類煥然庀好復條陳六事一一舉行是年虜嬪臨邊以六子轉堡邀賞主者下公議公抗持不可飭各路擐甲相待折

服退至今延綬得罷黃婦六男賞歲省金錢數萬
公之力也公七年於邊勞苦備至兩奏程書十登
薦剡制撫疏上欲酌以異數而主爵竟以長蘆鹺
貳處公宦無中人効亦可睹已武弁有譖公者公
弗辨弁尋自敗周某代公嫌公之難乎其繼也借
事相左公未嘗幾微見顏面而周竟以貪去時人
服公之雅量云時運長爲常熟瞿元立先生先生
理學名家公與互相祓濯齋政一新偶行部見豎
龍鳳幟邪許而過於市驚問此何爲者左右曰運
太后鹽輒也公私念宮中食鹽自有定額乃復需

是耶鞠之果奸徒稗販所持內府牒悉廣置之理
而歲貢白鹽之役舊多乾沒不可詰過公無弗斂
手退所屬故有落地稅已奉恩免而州邑未及知
也司受徵解卽已物胥以往事請公愕且怒謂此
孰非朝廷德意小民脂膏况金以五萬計雖墨何
至是立卻還卽不便于其所爲前後者弗暇顧而
賈人子陋規歲進茶菓銀以引爲差所從來遠矣
公在事掣引百餘萬例進二萬餘緡也人咋舌不
敢獻又何敢望假借爲奸利乎其歸也帑無名之
金九千代者舉以贈公笑曰如私之尙待今日耶

漦司故殖地公約已太廉輸公獨最大司農破例
誓舉示風勵而鎮遠太守之命下矣生平所蒞有
聲凡勒碑置祠謳吟而尸祝之在在不朽然而行
古道於今時逢世未易公亦自此倦遊歸里始終
留之餘不盡之意焉家食七年築會景樓讀書其
中坐終日不移席惟月鳩羣從而燕喜之教以孝
弟和睦養廉之美與兩兄共育無復置祭田軍田
若干畝爲族人代費翛然玩世獨以清白遺子孫
也一日忽賦詩有笑拂紅塵羨夢覺之勺手授
其子太學君弗爲意越旦具衣冠拜竈與賓客子

懷遠縣志卷之十九

傳 英賢

九

弟談笑竟日夕登樓沐浴端坐而逝絕不聞喘息
聲人咸謂公尸解始悟公詩乃辭世語矣若恒謂
太學君曰異時吾大還家人毋黝我當清靜以還
造化及卒果如其言公方面美鬚眉白皙魁梧男
子少稱書淫乃忽然慨嘆曰章句間遂老夫夫耶
因取金剛壇經諸內典默坐冥參恍然自得有咫
尺元關之意曩所讀百家子史糟粕視之會復所
楊先生講學中都公獲聞良知密旨語下大悟覺
鳶飛魚躍真在目前也及關中從少墟馮先生游
愈入實際馮先生每稱江北理學三人泰州王心

齋合肥蔡肖謙其一蓋指公云公天性孝友諸生時失贈公哀毀骨立後遂與宜人同寢處溫清必恭荆庭萼樓怡怡如也不喜談人過失宦游絕不言地方薄惡常曰一言地方薄惡便非父母斯民之意及聞人片善譽不啻其口出焉公蓋生而近道以學濟之名賢切靡有本者如是耳所著述有詩文全集傳習錄清粹錄就正錄逆說居身拱璧註國朝名賢纂諸書行世生於嘉靖三十九年辛亥七月初六日午時卒於萬歷四十五年丁巳十二月二十三日亥時壽六十有七以萬歷四十七年巳未十月二十四日葬于塗山之陽娶劉氏封宜人子一卽太學生尙渾娶張氏孫男五人培永培根培生培鼎培造生女二人長許配梅貞穉次許配段可學銘曰溫而栗所其無逸維公之德好而樂有殖母落維公之學作而述式纘厥錄維公之福大而昌百世斯皇維公之藏

楊應聘字行可時秀孫萬歷巳卯科舉人癸未進士授浙江烏程縣知縣陞兵部車駕司主事歷陞職方司郎中丁憂起補原職戊戌會試分春秋房後陞光祿寺少卿丁憂復補太僕寺少卿巡撫寧夏尋總制

三邊兼右副都御史兵部右侍郎內轉兵部左侍郎
卒于任贈兵部尚書賜祭葬節操經濟爲時所推舊縣志

舊府志應聘總督西陲運籌柔遠有柱鎮玉門增
雄百二之稱

楊氏家譜應聘字行可號楚璞中萬曆己卯科南
畿鄉試登癸未進士初任浙江湖州府烏程縣二
任兵部車馬司主事三任本部職方司主事四任
本司署員外郎五任本部署武庫司郎中六任本
部署職方司郎中七任實授本司郎中八任復補

懷遠縣志卷之十九

傳 英賢

十一

本司郎中九任光祿寺少卿太僕寺正卿陞巡撫
十任兵部左侍郎兼左都御史節鎮寧夏三邊總
制萬曆四十八年卒諭祭文曰維萬曆四十八年
歲次庚申七月丙子朔越初六日辛巳皇帝遣禮
部署部事右侍郎兼翰林院侍讀學士孫如游賜
諭祭兵部左侍郎楊應聘文曰惟爾學蘊宏深才
猷練達英蜚甲第奏最花封入佐夏官噶播殄而
平壤戢再陟卿寺通弊剔而馬政修迨廣武建牙
綢繆尤謹於屯塞洎關陝總節威權屢振於敵擒
氣奪旃裘甲兵隆韓范之望功高保障謀猷著方

召之聲特召師貞侔叅樞政命不俟駕君爾忘身
廟算敝精箕芒掩宿義盡臣瘁忠軫朕懷祭葬載
殞爾其歆服又諭葬碑曰維天啓元年歲次辛酉
八月庚午朔越初三日壬申皇帝遣直隸鳳陽府
知府李枝秀特諭祭原任兵部左侍郎封兵部尙
書楊應聘下葬文曰爾以文武矜式出入賢勞方
贊樞籌遠藏邱壑窅期奄至良增悼傷兆祭有儀
用慰冥漠歸然馬鬣煥矣龍光

右碑在墓道高八尺字大如盎

按應聘卒以萬歷間十八年其總制三邊不知其
何年明史中無一字及之者楊氏譜雖載歷官次

懷遠縣志卷之十九

傳英賢

三

第而不載陞遷之年月居官之行事惟諭祭碑文
稱其氣奪旃裘功高保障略可想見勲績耳里中
人相傳云應聘乃溫體仁之師蓋其令烏程時所
賞授士也及體仁立朝險狠應聘絕之遂相惡及
應聘卒例得入國史傳以事蹟上會體仁當國陰
去其稿故應聘明史無聞又舊縣志以光祿寺少
卿丁憂起復補太僕寺少卿而楊氏譜并光祿寺
太僕寺及陞巡撫爲一任又不著巡撫何地節鎮
寧夏亦無此官名皆修譜者之失也

孫元謨明史王三善傳天啓元年十月擢右僉都御

史代李樵巡撫貴州時奢崇明已陷重慶明年二月
安邦彥亦反圍貴陽樵及巡按御史史永安連章告
急趣三善馳援十二月朔貴陽圍益急乃分兵爲三
副使何天麟等從清水江進爲右部僉事楊世賞等
從都勻進爲左部自將二萬人與叅議向日升副總
兵劉超叅將楊明楷劉志敏孫元謨王建中等由中
路當賊鋒舟次新安抵龍頭營超前鋒遇賊衆欲退
斬二人乃定賊酋阿成驍勇超率步卒張良俊直前
斬其頭賊衆披靡三善等大軍亦至遂奪龍里城諸
將議駐師觀變三善不可策馬先邦彥疑三善有衆
數十萬乃潛遁餘賊退屯龍洞官軍遂奪七田冲進
兵畢節舖元謨明楷連敗賊其渠安邦俊中礮死生
獲邦彥弟阿倫遂抵貴陽城下賊解圍去

懷遠縣志卷之十九

傳
英賢

十三

舊縣志孫元謨幼有大志天啟七年黔賊宋萬化
等猖獗五省告急大司馬咨送黔撫隨征謨抵黔
知十板三寨爲賊所恃破之龍里衛久爲賊據謨
以竒兵取之骨龍司懸崖劍壁謨令軍士啣枚暗
渡立破其司復大戰七里冲進兵畢舖賊騎如雲
謨以所製木發貢七門齊發擊死數萬直追至老
鴉關解貴陽圍合郡德之後率兵渡陵廣江搗賊

巢悉平貴撫上其功授副總兵管通鎮遊擊事歷
任昌鎮副總隨陞薊鎮總兵都督同知年老乞致
仕

按縣志所志與正史多牴牾貴陽被圍在天啟二
年非七年安邦彥反洪邊土司宋萬化糾苗仲九
股陷龍里以附邦彥者非賊首畢節舖訛畢舖陸
廣河訛陵廣王三善傳舉劉超爲總兵令渡陸廣
旋即敗歿無孫元謨名而大司馬黔撫貴撫等又
不載其名皆參差不可據後見孫氏所呈家譜乃
知前志據譜直書未加攷正也始附載而辨之

懷遠縣志卷之十九

傳
英賢

十四

國朝宮兆麟懷遠人由貢生捐授湖北安陸府通判
乾隆十六年遷江西南昌府同知十八年遷福建興
化府知府二十七年遷山東濟東道二十八年遷山
東糧道三十一年六月遷湖南按察使時桂陽州民
侯七郎毆斃大功服兄侯嶽添賄其兄侯學添誣服
知州張宏燧率定讞巡撫李因培駁審適調福建奏
明案多可疑

勅新任巡撫常鈞詳訊兆麟蒞任鞠實審辨會審官
窺常鈞庇宏燧多觀望以兆麟不與會審承審各員
聯銜會印侯七郎又極口呼冤奏令委審兆麟亦以

侯七郎實正凶侯學添得賄頂凶入告

命侍郎期成額會湖廣總督定長審理尋訊明正宛
侯七郎抵罪宏燧回護原招故出人罪擬流會審知
縣李時等革職

命常鈞來京方案之既定猶未入奏也兆麟以長沙
知府李拔所訪宏燧買金託湖北藩司赫昇額行賄
翻案密稟期成額等奏

聞逮訊宏燧無買金行賄事其差借武陵縣銀五千
係迎合巡撫李因培藩司赫昇額抵解桂陽代還武
陵叅革知縣馮其柘虧空因盡得赫昇額前任湖南

懷遠縣志卷之十九

傳英賢

十五

藩司與宏燧交結保薦宏燧常鈞遂題陞知府狀均
擬斬詳因培傳常鈞奉

旨革職三十二年兆麟調雲南按察使三十三年三
月遷雲南布政使十月擢廣西巡撫三十四年雲南
軍營需硝

勅兆麟籌辦四月奏言廣西歲產硝八萬四千餘斤
除各營製火藥歲餘八千五百餘斤臣先將舊存硝
七萬八千餘斤解至剝隘交滇員查收復於通省各
營額貯火藥五十二萬九千餘斤內撥二十萬一併
運滇所需製備工價核實咨滇解粵歸款庶免遲延

並省到滇製配得

旨嘉允十二月調湖南巡撫三十五年三月調貴州
巡撫桐梓縣刁民聚眾滋事

命速赴任緝捕兆麟會同

欽差湖廣總督吳達善等緝獲正法復奏言起釁由
桐梓縣協辦兵差按畝派馬眾疑董事紳士有侵漁
弊一唱百和釀成大案奸民聚眾罪有應得州縣遇
派辦公事亦當防董事侵漁早爲清算使知派皆實
用疑釋心平乃置之不問地方官之闒茸可見貴州
兵差大概皆然臣飭各府督州縣將兵差領公項若

懷遠縣志卷之十九

傳
英賢

六

干派民若干有無餘剩勒限算清書簿傳紳士保甲
同董事查閱使百姓曉然仍詳報查核不卽清算者
參革

上是之七月古州黨堆寨逆苗香要不法偕吳達善
等督兵捕誅之

上以所辦迅速妥善議叙加一級兆麟因條奏善後
宜一下江營四面皆苗南界廣西爲古州扼要地舊
設兵五百除撥丙妹西山及各塘汛存城兵止二百
三十請撥古州鎮標兵二百移駐下江營一定且營
在古州上游山後皆生苗原設兵二百六十除安設

塘汎止存兵百九十五請添撥古州鎮標兵一百駐防一下江城原設吏目一員秩卑不足彈壓應汰請移貴陽府通判駐下江隸黎平府分撥古州廳屬下江一帶苗寨合管理其吏目經理兵米卽交通判支放定爲苗疆久任要缺在外揀補一黨堆寨苗民老响以阻香要謀殺王弁廳差全家遇害臣合於寨地廟祀並將其死義板旌及香要等叛逆伏誅用苗語譯出榜于廟使衆歲時展詳知警一下江營向有墻周四百三十丈高一丈內住兵民二百餘戶日久墻傾臣籌捐修改立土城得

懷遠縣志卷之十九

傳英賢 七

旨如所請行九月奏言本年入夏米昂臣飭屬將常平倉米不拘存七糶三之數減價濟民查通省貯米八十三萬餘石今自三月開糶至七月各處倉儲皆虛查郎岱廳龍里修文安平清麟普安南遵義桐梓綏阿甕安湄潭十一縣開州永寧平遠黔西正安五州向有餘米三萬四千餘石留爲上年平糶交價解存道庫前撫臣圖爾炳阿奏明改收折色貴州山多留備下年平糶况少糶常平則採買亦少民免苦累倉廩亦不虛懸奏入報聞先是四五月間兆麟請於鄰省湖南四川廣西買

米運黔糶濟至秋豐收復奏請停運

上飭其冒昧于前勗令以後遇事須持要詳籌兆麟又奏請

簡發知府三員赴黔

諭曰知府有董察屬員之責民生吏治攸關簡用時特加詳慎若如宮兆麟所奏勢必將部中分別繁簡司員發往此端一開各省效尤踵至需人日多不特遇有要缺簡用無人並於吏部選法有碍且此等發往人員既在外省其權皆在督撫倘因得缺稍遲或擇缺美惡必至夤緣請託遂開倖進之門宮兆麟率

懷遠縣志卷之十九

傳
莫賢

六

爾陳奏殊不可解傳旨嚴行申飭十月

諭曰宮兆麟自調任黔省以來觀其所辦諸事時露輕率冒昧之意如前此奏請簡發候補知府及停發兵米二事未能詳度事理率意陳奏業經降旨訓飭昨觀音保到京質審事竣因與該撫曾經共事合軍機大臣傳旨詢問該撫居官如何據稱宮兆麟爲人粗率喜於自誇遇事不能精細其言實屬切當看來宮兆麟之爲人應對是其所長而於辦事殊少實際是以外間竟有鐵嘴之號朕亦頗有所聞巡撫爲封疆大臣責任綦重倘遇事不能審慎精密徒以口給

便捷爲能必致貽悞公務卽如觀音保在藩司中歷任有年朕因其人粗率是以未經擢用巡撫今粗率如觀音保尙以宮兆麟爲粗率則其氣習更甚又不問可知矣但該撫現未蹈罪愆猶當加以諄切訓誨使知所悛改著傳諭宮兆麟速行猛省痛改前非凡事實心實力出以持重周詳毋謂旣得巡撫竟自志足意滿一任誇張痼疾不能力圖懲創以致自貽伊戚悔之無及也十一月

命來京陞見尋降補甘肅按察使三十六年二月

諭曰去秋宮兆麟奏屬員賢否摺稱金祖靜兩耳重

懷遠縣志卷之十九

傳
英賢

十九

聽因臬司爲刑名總匯若果耳聾卽於聽斷非宜傳諭宮兆麟俟三寶回黔後卽令金祖靜來京初不必告之以故今日閱金祖靜摺則稱撫臣恭祿廷寄轉行宮兆麟所辦甚屬錯謬寄信諭旨選宜慎密豈可輕洩於人若抄錄轉行則更無此情理前因宮兆麟在湖南臬司任內辦事尙能認真是以特加擢用及簡任巡撫以來見其辦事粗率動多舛錯看來不過專恃口給毫無實際之人難勝封疆重任因將伊降補臬司尙不意糊塗不曉事竟至于此昨來行在召見看其精力亦漸就衰並不能如前此之奮勉著傳

諭明山侯宮兆麟到任後傳旨申飭並爲留心察看如其辦事仍不著要或神氣日復衰頹卽據實奏聞母稍狗隱三月以貴州巡撫任內失察厥員王藻元等虧欠鉛斤革職四十一年三月上東巡兆麟迎

鑾

詔給三品銜四十六年卒

國史名宦列傳

中丞曾孫編脩宮煥呈中丞行述府君姓宮氏諱兆麟字伯厚號玉巖先世本句容人始祖諱寬樂懷邑風俗淳朴因卜居焉世以儒術爲業十一傳

懷遠縣志卷之十九

傳英賢

二十

至高大父諱普邑增生會大父諱建章康熙丙子舉人庚辰進士河南虞城縣知縣屢遷吏部稽勲司郎中大父諱大觀弱冠食餼於宰循初入成均府君生而穎異性孝友嗜詩古文辭過目輒不忘學爲制舉藝出語驚長老然意不甚屑也丙午先大父爲府君君援營田例試職得別駕未幾先大父下世旣終喪需次銓曹時年二十九歲初選湖北安陸府通判時沔陽州隸安陸郡州治濱臨大江江水歲爲民患堤屢築屢圯府君櫛風沐雨不憚勞瘁往來堤上相度情形白之上官請帑脩築沔

之人數十年粒食無苦者府君之力也乾隆七年
壬戌補行計典制府那公蘇圖中丞晏公斯盛首
以卓異入薦剡八年引

見奉

旨回任候陞漢口鎮者南北水陸衝衢也市舶輻輳
商販雲集且爲鹺務要津同知一缺尤難稱職上
官檄府君攝之府君興利除害革陋規剪奸慝清
理案牘一年之間民安物阜江陵爲附郭首邑夙
稱難治太守某辦理里正一案拂上官意檄府君
署理將以發太守之伏也府君檢案次第辦理兩

懷遠縣志卷之十九

傳
英賢

三

月後往謁制府中丞爲地方陳疾苦白太守之無
私上官有公正之稱百姓有神明之頌丙寅

題陞沔陽州知州未抵任而楊太夫人以高至奔喪
歸里服闋謁選辛未補判福建福州府次年壬申
陞南昌府同知時鄂剛烈公巡撫江右一見府君
竒之檄委辦理僞稿及命盜諸大案見知益深以
堪勝郡守首入薦牘奉

旨補授福建興化府知府在閩十年案無留牘中間
兼守汀漳署理興泉兩道正巳率屬矢慎矢公興
水利立學校創立育嬰堂養濟院凡利民之事知

無不爲二十七年俸滿引

見五月初八日奉

旨記名遇道員缺出列名具奏卽於二十一日奉
特旨補授山東濟東泰武道二十八年糧道員缺奉
旨於通省道員揀選調補中丞崔公應階列府君名
入奏奉

旨俞允乙酉

翠華南幸德州爲入境首站府君祇肅莊一爭蒙

召見兩次

詢問地方情形糧儲利弊奏對稱

懷遠縣志卷之十九

傳英賢

三

旨丙戌五月奉

旨補授湖南按察使三楚夙稱健訟案多棘手府君
抉摘精詳不敢絲毫瞻徇由是上洽

聖心調任滇省旋陞雲南布政使有緝匪跳梁軍需
旁午府君駐永昌籌運糧餉往來接濟大學士舒
公赫德協辦大學士阿公里亥倚之如左右手在
藩任凡四月蒙

恩簡畀廣西巡撫府君自念以府倅微員豪無汲引
之助蒙

皇上殊恩拔於庸衆之中畀以封疆重任益思感奮

自効時赴滇官兵路斃人命府君奏請正法由是軍心股栗閭閻不擾已丑十月遵

旨

陛見蒙

詢緬匪情形府君據實陳奏

聖心嘉悅在京十數日

召見六次

賞賚無數奉

面諭回任出京六日奉

旨調任湖南庚寅正月調補貴州巡撫維時黔省

懷遠縣志卷之十九

傳英賢

三

欽差兩湖制府吳公達善少司寇錢公維城少司馬

富公察善駐省審勘事件府君會同

欽差悉心籌畫動中窾要上符

宸衷將竣事而桐梓奸民煽眾率討岷梁貽害疊由

邑合派里民夫馬協濟郎岱臺站糗糧芻糈則里

民自裹路遠而費糜民不堪命府君查辦詳慎殲

其渠魁民心帖然古州苗民香要者糾眾殺差肆

其猖獗府君帶兵直搗巢穴分兵三千搜緝山箐

林麓殄風宿露七十餘日獲首犯并其尤黠者置

於法初苗人有老响者因香要煽亂爲陳說

國家恩德并諭以禍福香要怒而殺之一家七口同時遇害府君嘉其知大義乃一門慘死奏請

旌表並爲立像設祠以時祭享俾苗民共知警惕

諭旨嘉悅允行是年黔省荒歉米價昂貴府君晝夜籌畫飛飭各屬開倉平糶不得拘存七之例捐資設立粥廠加意撫綏務期災黎得沾實惠威寧州向產鉛斤歲貢寶泉寶源兩局鑄之用州牧董其事積弊之後爐欠廠欠甚多府君曰首催不力降補甘肅按察使未一月又因威寧場欠逾限不完部議落職乾隆三十六年六月也恭逢

懷遠縣志卷之十九

傳
其賢

十四

慈寧皇太后八旬萬壽府君由甘肅來京叩祝荷蒙恩旨降二等賞給職銜並有俾得優游林下頤養天年之

諭十二月回至里門府君年已六十五矣四十一年聖駕東巡府君至德州迎

鑾蒙

召見奏對良久

賞給三品銜大緞二疋四十五年

南巡赴紅花埠接

駕蒙

召見

詢問地方災賑情形府君據實奏對

天顏霽悅

賞大緞三疋七月赴熱河

行在叩祝

萬壽蒙

恩賞宴

溫諭回里府君器宇端凝喜讀書居身糾紛曲體人情公餘唯手一編朝夕不輟生平勤慎自矢泊然無欲待人行政一以至誠爲主識力堅定見義必爲所設施必求有裨

懷遠縣志卷之十九

傳英賢

五

國計有益民生而後卽安爲屬吏雖上官嚴厲於所當爲者必侃侃指陳無少回曲江大寮亦無鉅細必詳審再四見旣確卽奮迅爲之雖衆議紛如不顧也與人接初覺孤峻日久益見和易尤喜汲引文士遇翹秀必獎成之在江右則今少司農彭公元瑞在山左則今刑部主政方公昂其尤著也僚屬進謁亦必假以顏色俾得盡所欲言然不可干以私生平無援引結納之助屢蒙

聖慈垂鑒自奉儉約居官居家子弟家人不敢綺麗

相尙故屢任封疆囊橐蕭然嘗懸一聯以自警曰
不要錢原非異事太要好亦是私心可以見府君
之志矣府君在官三十餘載優游林下十餘年生
於康熙四十五年丁亥二月初二日戌時卒於乾
隆四十六年五月初八日子時享年七十有五

宋元俊字甸芳江南鳳陽懷遠縣人以武進士任四
川城守營守備遷阜和營遊擊乾隆二十六年夏金
川酋索諾木襲殺革布土司其黨小金川首僧格桑
亦發兵侵明正土司據班爛山阻官兵進路私害者
相繼告急總督阿爾泰知公素得夷心命抵賊巢責

懷遠縣志卷之十九

傳
英賢

三

問原委公至刮耳厓索諾木迎謁詭以革番內變爲
辭公知其詐歸告阿公曰兩酋犄角爲姦雖湯公順
而陰怙惡非壹大創不可如興師當先取小金川卽
獻三路進兵之策一從班爛山在小金門戶一從
堯積截取甲金達山梁救達圍而趨美諾一繞小金
川尾間由約咱進攻遜克宗阿公以其計奏聞
上命副將軍溫福提督董天弼分路進兵總督阿爾
泰駐劄後路居中控制當是時蜀枚寧日久文武恬
熙一旦軍興相顧喑嘍兩金川地勢竒險礪卡柴立
兵將未言色沮公獨能聚米借籌歷歷指畫于是諸

將軍運糧出戰一切惟公是詢公探知小金川所存
明正之達頂山梁與巴底巴旺毗連密令叅將薛琮
挾巴會暗擊山梁而自統兵從甲楚渡河攻之賊腹
背受敵大驚奔潰收復納頂礮寨百餘卽用納頂土
百戶爲前導直搗約咱賊愈困聞
天兵至卽走登時提督董公破甲金達副將軍溫公
收復班爛山克卡了

上嘉之擢松潘鎮總兵賞花翎時二十七年正月十
日也計進剿小金川未及五月而侵地全收

聖諭褒美公愈感奮將直搗賊巢旋奉將軍命調回

懷遠縣志卷之十九

傳英賢

七

籌辦什咱事宜受代而行方攻奪河東時小金川求
救于索諾木索諾木許之將襲我後路公得巴西密
報遣使至刮耳崖罵責之索諾木知情尋撤回原兵
於要隘處增礮固守公請于湖廣大金川逆形已
露不可不誅然犯險強攻徒損士卒不如卽用革布
逃酋其人有報讐雪恥之心尤悉地形可使也遂密
遣番民乘夜踰山約諸酋連結各寨爲內應而自率
遊擊吳錦江等由節木郭渡河據勺藏橋舉砲爲號
革番從內突出與官兵合力夾攻斬千餘人進圍丹
東角洛收復革境三百餘里事聞

上愈嘉獎賜荷包寵異之先是公別遣守備陳定國潛赴綽斯甲布土司屯兵甲爾壟壩上聽候調遣人莫知其意及革境全平金酋畏綽土司之躡其後不敢傾巢出戰大兵雖在東南而制勝則在西北甲爾壟上雖按兵不動而金革兩處已扼咽喉公算畧深沉皆諸將所莫及時

上意大兵乘勝即可擒取索諾木言兵少未可輕進爲制府所劾調回大營隨即年職鬱鬱不得志病卒於軍年五十八公長身蓋立音響如鐘鼻尺許望而知爲偉人料敵審勢毫忽不爽初收復革香

懷遠 卷之十九

傳 英賢

三

用兵不過千許及進攻金川公建議北路必需二人當事者疑公怯不聽所請卒無成功後副將軍明公廣集漢兵土兵三萬人先通路後進兵共言始驗公待士信用法嚴與參將薛琮之云厚攻小金川時制府重公命以遊擊領兵節制諸將公磨利刃與薛約曰某地某日會我後至君斬我君後至我斬君及公至所期處而薛逾二刻始來公遣飛騎持刀呼取薛參將頭薛望見笑曰薛頭與賊不與公也奮前奪數礮反公猶手縛之請罪于制府以功論贖乃已先是馭番者平時視若草芥及蠢動又畏如虎

國家所賞繪帛易以祿濫會叩頭領謝去歸視大恚
笑擲於路公有賞必佳物其人輒喜相告或舁公抵
其巢率妻若女環侍左右公賜以茶烟簪珥兒子畜
之小不循法立加笞呵威悚息聽命打箭爐邊關以
外官將行李俱畏夾壩出沒惟公與果齊盛太守之
箱篋蠻夫爭爲背負或遺于路必擎送行幄諸番小
有動靜先來告公以故凡所不動合機宜死之日
番人剪面環哭聲振巖野平居以忠義自可思立功
名然性剛能恤下不能事上偶有議論慷慨迅厲旁
若無人以致讒已者衆身後家籍沒兩子戍邊有引

懷遠縣志卷之十九

傳 英賢

元

芝者以走卒隸公麾下拔至參將四十一年春大

軍阿公桂平定金川凱旋時芝書公戰狀抱一冊哭

陳軍門將軍代爲奏聞邀

恩赦其子歸人莫不嘆張能殺心能知人袁校小倉山房

集

顧浩宋將軍詩威信征西後昂昂孰與謀宋公文

武畧直欲邁前脩岳威信公鍾琪以征西功受封

寨羣番不敢仰視公紆策存孤孽革什咱土司破

義懾百蠻亦如威信肩輿懾衆會公體

密與定謀復其地命其子襲職肩輿深人噶拉

撫露布示大金番衆歡呼爭迎遂肩輿公奉調來

依諭以禍福命毋許助小金且假道攻小金約咱
一帶番眾悉從由大金坐皮船出章谷眾望之若
神人直言多士恐狂疾一軍憂時官眾已取約咱

革什咱已復公率師往撫督師發兵三千渡河繞
夾耳木山梁攻取翁古後路至火龍溝一軍藏焉
公據寔奏聞上即撤回督師功以成謀積名將

惠澤留至今南徼外猶聽說輕裘公本文士改武

不猛而威聞其名無不畏即之恂恂書生也出師
數載算無遺策番眾懾服奉之如神至今猶名師
啼兒余兩次辦屯所遇將士
獨詳

王大壯字烈文中式乾隆癸酉科武舉兵部檢選發

壽春營試用以捕盜功補靈璧縣千總庚辰赴武會

試成進士發浙江候補守備攝巖州象山諸營地

懷遠縣志卷之十九

傳英賢

三

濱海盜賊之所出大壯至增汎嚴詰捕獲無算

威信公鍾珙方提督兩浙奇其才授以所著火龍神

器等書指其虛曰他日宜坐此尋向甫四川泰寧協

黎雅營守備提督岳鍾璜先後黎雅兩居最因

保薦遷嘉順營都司乾隆三十六年大軍勦兩金川

松潘鎮總兵宋元俊薦大壯才可用元俊大壯鄉人

也以威畧著聞慎許可時建昌鎮總兵音泰方領兵

協剿乃題大壯署建昌中營遊擊復特奏權總兵事

大壯籌度邊形攻戰之具於常用器械外所需無不

辦者建昌之地東接涼山諸蠻蠻皆悍惡時出剽掠

或以貿易入城市輒竊漢民童稚以出爲奴婢漢民或犯法逃入蠻蠻輒匿之居民入山樵一月定以兩期否卽爲所驅殺應納官蕎糧往往抗不輸吏不敢催蠻酋犯法者酋長戮之仍斂銀于受戮者之家謂之玷刀銀所斂至百金不足則徵之于其種羣酋苦之酋長安士依陸世采者尤凶狡不法所謂金川大十八涼山小十六也以縣役羣之擁衆屯城東曰必盡殺縣役大壯幸自兵十餘自不撫計挺刀厲至大壯發聲叱之皆辟易不敢動縛兩酋以歸將斬之而聞于制府其人十四酋捧香來爲兩酋乞

大壯設軍容召十八酋跪階下數之曰

大皇帝賞汝以名銜榮汝以章服酋無尺寸報犇犬豕聚爲一方官斬汝尙不蔽汝辜心汝心殺蟻耳姑與汝定約束能遵奉者暨貴心諸酋股慄叩首曰惟命乃與之約曰道路行人毋許剽劫所竊居民童稚及藏納漢奸立時送出增樵採之期及期酋長輸派酋目護視應納蕎糧酋長征收解官毋得逾限軍需運送輸日撥酋承應供役其玷刀銀永行禁止凡七事亦革舊時總兵標官薪炭坑冶陋規毋許科索諸囚感泣聽命乃杖兩酋而縱之隨反童稚及逋

逃百數輩居民歡呼金川凱旋定西將軍阿桂深器
之欲以大壯補建昌鎮會與南路參贊傅德齡遂
止部叙授貴州撫標右營遊擊四十六年四川噶嚕
嘯聚侵軼及滇境犯遵義仁懷營都司堵禦受傷巡
撫檄大壯以外委一員兵五十合所部兵二百餘往
援之且曰兵不足卽沿路調發大壯曰噶嚕烏合之
衆不足以當練卒無需多也日三馳至遵義噶嚕
陣而待大壯大呼馳之衆皆披靡斬首二百級生獲
百人遂入城噶嚕見官兵少次日復圍城大壯潛師
出西門誘之前發雷火器擊之

懷遠縣志

三

無數復合戰大敗

壯欲益師由

勦以書請工巡撫曰噶嚕以一時之奸宄招內地之
逃亡蠶叢路險藉以稽誅蟻穴糧之思復食始則
探囊胠篋繼乃持挺揭竿守土之兵其行劫之微
莫思後患迨經容納之後彌護前非但有包荒更無
長策日月旣久根株愈深茲乃又顧之他首加于我
懷陽守將迎拒被傷播郡編氓聞聲思竄某憑藉威
神立時剪撲而狐鼠之技窺伺難防宜乘摧拉之機
便作殲除之舉乞飛檄成都連兵羅甸徵芻轉粟協
力同心水邊夔門無令東逸陸屯錦左絕其西歸黔

筑犄其南果達搗其北庶幾掃空巢穴永靜邊陲
撫以啣嚙已驅出界不果行但獎慰之大壯猶窮追
至蜀之合江縣去播州六百里復殺數百人生擒二
十人以畀合江令曰以當軍中之費其年以軍政卓
薦遷朗洞營參將會甘肅逆回滋事議增營汛總督
富綱以大壯練營務檄赴滇議之大壯曰滇黔營汛
綦布星羅極爲周密事與隴異始因西師浮費
虧帑于每兵百名扣二十五名糧
屯田永不招補遂至單弱自某言之
于訓練所致崆峒

懷遠縣志

郡唐募勁卒無過

以一當百非此滇黔不必增卽隴西

如額可

矣議遂定旋撫攝上江副將復攝

卽具奏

實授會丁母憂歸哀毀致疾卒而卒年五十有

八乾隆五十二年也大壯器宇魁岸材武絕人尤善

射能別出新意其遇人伉直不回然沉深有度未嘗

妄發慕漢楊伯起之爲人自號曰關西喜讀書爲詩

文皆雄健颯爽不事雕琢在浙時侍威信岳公馬上

射皮球一發毬起與馬平再發毬高數丈三發箭貫

毬直墜岳神之間其故曰此善用拇指及掌後右臂

耳一再起箭法三乃蓋箭法也其爲嘉順都司時

赴金川軍營干總劉

騎而導過

縣以供帳薄攘臂大詬勢甚張大壯往慰以好語乃益肆大壯怒批以掌劉失色喪氣上馬去人謂大壯彼且甚君未幾

還劉仍從至則徒行求大壯廨

投謁入且拜且自訟曰某年少恃氣向所爲殆非人承公之儆而教之也知悔懼矣

延之坐勗以讀書劉因問韜鈴之

書非韜鈴乃

心劉再

拜去其後劉累官

懷遠縣志

公不至此也

姚彙

廩生王方

